

喀拉克土拉山口。麻札名鄂力伯克，在河西岸，古城在河東岸，中隔喀拉克土拉河，沿溝中行，可至雪山牧場。城周二百七十米，無牆，北跨小土阜臨河。西面臨河，東南兩面爲平地。城內掘痕甚多，陶片小石亦衆，皆爲朱紅及粉紅色陶片，與哈拉巴克之古城相同，或爲同一時期之遺址。此城本地人亦稱爲喀拉瑪克沁，義謂蒙古城，但決非蒙古時代所築也。十月一日繼續由喀拉克土拉向東偏北行，旋轉東行，入沙嶺，屈行嶺中二小時，出口處名阿子干布拉克。仍東行過哈布薩浪河，抵強博洛克莊。河出北山，東南流，經強博洛克莊，轉東流至拜城縣，轉西南流，入木札特河。時天大風，甚冷，余等均改穿皮衣，繼續前進，至拜城已晚十一時矣。休息二日，乃由大道至庫車，復沿大道返烏魯木齊。我在南疆考察至此遂告一段落。